

續修四庫全書

《續修四庫全書》編纂委員會編

續修四庫全書

上海古籍出版社

一四五二・集部・別集類

知足齋詩集二十卷續集四卷 知足齋文集六卷進呈文稿二卷年譜三卷（知足齋詩集卷六

至進呈文稿卷二）〔清〕朱珪撰……………一

小木子詩三刻七卷 〔清〕朱休度撰……………四四七

山木居士外集四卷附一卷 〔清〕魯九皋撰……………五九一

知足齋詩集卷第六 己亥至癸卯

大興 朱珪 石君

次翁翠溪韻壽陶裕軒同年六十初度

溪山近郭最宜田不改觀河六十年自刷黃精稱老圃
已參白業得初禪雨聲宵負連牀樂月影長看舉案圓
藉甚清華錢若水急流勇退詎非仙

拍手聯吟白玉堂秋花綴錦豔初陽

秋花綴錦文裕軒館課生句也

年星聚人同淡千里鴻歸路覺長蠟屐雲山聊作達

裕軒

西山種砂月窟自生香奉君璧馬應無價珍重甘

酬醉

自觴裕軒有志學道故戲及之

知足齋詩集卷六

一

乾隆己亥五月奉

命典試福建時

皇帝在上書房作詩 寵行敬次元韻

詔節下金閨客心馳使牡徘徊戀

講帷箴獻慙蒙叟三年侍昕夕半載違

左右寵我驪駒篇勤勤感執手此行雖不遠南望指牛

斗回首金枝雲眞意承筐厚溯洞隔江河迢遞踰嶺阜

御園庚火流閩海炎風久叢桂奉幽芳木蘭賦孔有行

圍蹴寒冰還槎拂隄柳屈指相見期應及早梅後養心

和六六納善先九九修途勉就將漸進戒卻走雞鳴

氣志麟趾蕃郊藪升高自有基集虛良無負嘉脫何能
酬微誠聊用剖

易京城

方輿紀要易京城在雄縣北後漢末公孫瓚據

幽州築此杜佑曰歸義縣南十八里卽易京城

紀要又云廢易縣在雄縣北三十五里唐曰歸

義然則易京城當在雄縣北十六里矣紀要又

云石季龍擊慕容儼還至易京惡其險固而墮

之今舊址僅存予訪之士人不知其名惟北十

五里有土阜輿夫呼爲土圪塔豈其故址與

知足齋詩集卷六

二

燕南趙北易京城逐鹿如何宿自營空擬樓臺天上險

忽聞鼓角地中鳴季龍墮後應無跡拒馬流經尚有聲

白溝河亦慙愧劉虞能得士誰憐豎子不成名

白溝河

易水東入涑濡水北注之白溝與拒馬同匿名或歧宋

遼此割界雄渚分領治

歸信宋之雄州治歸義縣遼之涿州童貫始構毀

種劉屢喪師

種師道大白溝遼人敗其先鋒還保雄州既而劉延慶度白溝至良鄉爲遼所敗

宦豎倒太阿安能拓四維明初蕃椒聊勢殊漢景棊景

隆尚乳臭豈敵熊虎姿此地一鏖戰白浪翻燕支可憐

忠義士百死甘淋灘地形異今昔憑弔多感噫帆檣一

川駢梁菽萬頃滋豐年信可樂晴雨方及時覽齊燕趙
閒欲補由庚辭

宿德州追弔李觀察燕

李君洛陽人辛巳進士予已卯主河南鄉試所
取士也由縣令遷知德州歲甲午壽張盜作亂
攻臨清大學士舒公率師逕此州當水陸之吭
君晝夜勤勞帖然咸辦事平

上知其才擢知濟南府旋授濟東道人稱其賢今年春
以暴疾卒年四十有一惜哉予過德州感而
作

《智齋詩集卷六

三

憶昨李侯司牧日禁軍沈席過趨賢勞已見鳶肩遠
天闊誰令劒氣兩廿載門生君最少一方與頌爾無慙
如何信宿平原郡草色棠陰意不堪

詠顏平原

妖星照野海飛濶灑血何人首築壇西望常山舌不爛
南流睢水齒先寒論功千載汾陽郭轉敗三齊卽墨單
忠義神仙同脫屣漫將尸解擬劉安

或疑公好神仙不
知公真不死矣

晏城 晏子采邑

晏嬰古民望清風激當時敵裘與海濶儉節良足師抗
身崔陳閒履虎何委蛇過臺發議論不阿君所私踴貴

而履賡謫諫陳民瘼慨嘆憂國本惟禮可已之惜哉景
不競牛山涕空揮禮下越石父明敬御者妻獨有二桃
謀長令梁甫悲尼谿江大聖所見無乃卑乎
傳聞或異辭停軒晏城北濯纓清河西斯人不可作
鞭尚可爲

過長清境感悼仲君先兄

長清界清濟曲注中川流玉符隱靈秀青崖羅嬋修石
門與石筍故蹟尚可蒐沈吟獨有感灑涕歌鳴鳩哲兄
昔令此豈弟勤鞠謀俯仰二十載棠蔭今已稠歸來采
籬菊至愛欽庭楸如何悟兜率長往遺喧湫我行盧城

《智齋詩集卷六

四

左瞻望懷咿嚶桐鄉鄉庶臨晚清夢還相求

長城

長城泰山陰陰陽割齊魯戰國爲鉅防設塹南備楚壁
門閒耶閣際海左右拒橫帶千里遙縱扼兩戒胥如何
松柏閒不保卽墨莒或傳杞梁妻長號撼風雨城隅爲
之摧哀音變商羽至今有遺祠山鬼歆豆俎岡頭何疊
疊石址尚齟齬西顧彌嶺津東望穆陵咀在德不在險
豈獨歎廣武

登泰山詩一百韻

岱爲嶽之宗仰止心所嚮使闢此經過偕友慨齊唱簞

出北門遙青疊高嶂憩旌易山輿階升初用壯橫
候左右猱捷絕牽傍盤道篩土覆龍媒引

天仗積雷所衝齧缺齧或礙妨斗宮暫徘徊聽泉清輶
管水簾噴珠綃纓絡曳滉漾遂躋壺天開超然凌蓬閣
天關轟迴馬不待九虎抗連連十二盤呀喘喘且揚息
有慰與人聚足賴節杖直闔第二門霄半得臯閼役夫
爭噴噴笑乏青精餉踰此翻迤邐屈折迷背向脈轉羊
腸夷峽度龍脊益豁舒敞石厂漱滴沁肝臟歎豈伏而
起有坪曰御帳宋真宗駐蹕處銀漢倒滄滄太白浩沆沆佇立
棧閣閒洗耳胸已盪咄哉五大夫非素亦輩行禁能赭

知足齋詩集卷六

五

君湘名恐誤博浪何方石飛來風怒根可颺朝陽洞
仙呼吸谷神旺其北對松山鱗甲萬蚪張九鈞奏琴祝
鸞翠舞險桁龍門何豁開口吐千里漲仰攀十八盤萬
仞壘敦瓷跟頂相乘承踏蹬一夫當嘗然狘天門凌兢
御風恰指點日月觀已出恆星上左達徑天衢愉列喜
平曠撫衣趨靈宮元君世崇尚或云古玉女道成超無
量或云坤爲母富媪倪天仇我疑岱天孫雲車肅臨況
更上謁嶽祠升中誰所勅七十二代君於此奠圭瑒其
陰磨崖銘雷碾斫大匠典則燕許筆蟬廬體跌踢宋礪
苦模糊天書實欺誑煌煌我

列聖照曜萬禩仰雄辭高响嘒盛禮秩紫望何用誇鵜
鵲四極闢輪廣右款青帝宮像設竊窺狀東方靈威尊
大皞木德王如何名實舛九蓮移供養再上玉皇峯俯
視萬屏障手摩無字碣屹立誰敢傍李斯篆已焚漢武
石或諒殿前岱頂髻突兀睥真相蓮花開蕊瓣凹處甘
露醴一勺舌本清泥丸吸溼沆東南望滄海杯水瀉容
漾西下禮 先師匹練睽軋塊趨哉小天下壤土春不
讓復登禮斗壇長空想梵放諸峯一環眺欲蠟屐幾緇
洞天與福地噫能罄寶藏西南得面勢已扼青鳳吭泮
汶交如帶東匯西流萊云亭近師師衡華遠將將豈惟

知足齋詩集卷六

六

齊魯青自覺亥埏暢山蔬齏金鍼眞味却鸞醬餘興探
險奇捫蘿勇一迂倒景正曠曠翔乙交頡頏誰鞭飛仙
橋嵌空造虛舫縈縈一縷雲幻山泝泝統團團蒼荀香
不比青草瘴燎竹穿氤氲逸氣猶偶儻齋个一燈明擁
裂天削傾瓢滴青驄下界愁隄防浴瞰闕壯觀待且增
招徠雨息尚淋鈴療寒啐濁醴及下萬丈強翻令魂魄
喪狂奔無地底性命惴臨壙瀑濤倍呼洶一鼓萬壑脹
出麓陟仙樓回首意悵悵聯鑣驅款段相視笑無恙入
城拜下宮巍峩宜灌鬯稽首神聽壹敢祈福无妄旋紐

却屈鐵寄生虎挂輶唐槐壁枝撐漢柏森舫髒

聖筆親交柯神守敢窺掠巋然石幢古巖劉嗟莫訪茲

游藉賢主夙願快已償太守昌黎宗韓名龍震直循吏

江夏亢黃名鈴湖贈我閱元揭展讀倦僕快未聞鴛鴦

跌難辨白巖葬瞥眼多挂漏紀蹟徒冗長題名從伊川

循程澄濟勝追家兄竹君兄庚寅使久畱義巖棲過去

畏官謗憶昔祠祝融雲海覽激宕行指仙霞峻且擊吳

越榜舊游重涉獵浩歌助慨忼披支揆幽潛銘心據直

蘊良無南山才聊取識遺忘

羊流店羊叔子故里

《知齋詩集卷六

七

徂徠迴首接崢嶸汶水西流逕鉅平石闕有人悲後死

金環何處證前生壺觴心醉吳家將裘帶風傳蔡氏甥

一統功成勞聖慮九原隨會共深情

過鄉城寄王同年恆

徘徊傾蓋亭欲訪白頭友思君若調飢離索驚已久昔

與君同門館閣意良厚君行辭鳳巢遠宦踰嶺阜至今

莆田人子諒歌慈母及我官閩越相見珍瓊玖君復引

疾歸燕鴈遂相負儵瞬二十年會面各老醜豈知結廬

偏未得遽執手同人如晨星錯落淡參斗邵伯樹空甌

謂邵太錢鏐天不壽謂錢少司寇汝荆陳冠蓋逢陳馮

杖屨偶謁來鄰子城山莊隔防守君居縣西北三十里防守莊聞君

教諸郎能紹韋經否槐蔭想扶疎何當共尊酒

宿遷縣西北七十里為下相城秦縣項籍下相人

也詢之士人云縣有項王廟而無香火感而作歌

峒崕山岡斷復起龍頭遠吸江淮水重瞳擲劒白帝腥

手搯真龍掉赤尾壁上諸侯心膽寒當筵撞斗摧忠肝

美人帳舞泣風雨儒生城守號衣冠鼎肉分羹君不忍

伏弩猶堪射隆準百二河山梟雉分八千子弟蟲沙盡

誰與好事狄梁公詆欺故鬼餒不雄黃樓泗水空遺蹟

下相荒祠弔古風

《知齋詩集卷六

八

出都日竹君兄贈我長歌三十六韻臧行篋中過

淮陰舟中發而讀之乃得次韻

長勤翼倦樂暫休便靜倪動當遠游三萬六千雲衣狗

東西南北風馬牛我行閩粵別豈久臨歧贈我清歌修

此邦文獻兄手錄然犀照海珊瑚網收橘黃荔丹昔拱把

十年又見霄炯浮延津交劍氣隱斗螺嶺應石聲鏘球

山川阻深空谷秀國香脈脈心香搜著書尚欲抗馬杜

講學未肯卑嶧鄒鼇峯頂上曾駕說諸生為我神淹留

我時初壯今向老芙蓉閉落二十周久拋菑畚就鹵莽

差可臭味分醞醕輸君曠蕩海鷗逸愧我局縮懷駒續

宦遊將遠天下半勝屢負山靈羞茲來稍覺日月暇
計程坐嘯江淮舟丑與午憩避炎暘間復攬轡調剛柔
跋泥厲水不足道喜見借嶽雄東陳躋攀絕磴敬天關
呼吸上緯儼澤寰高齋夜宿乳風雨齊汨擬作銀潢涸
惜哉未踐對牀約商歌不其初平倚翻思大觀盪雲海
黃山衡山誰拔九卽今渺瀰棹吳楚湖波連天靄迺愁
管社堤頭蓼花紫謝公堰上棠陰秋六月二十六夜泊
立金山窄堵最上級俯瞰無蒂江天悠西湖幽處一凝
盼故俟瓜蔓心如抽謂同年杭州大守邵開谷新近
夜渡七里風颺颺江郎曾觀蠡頂踵三生念爾情伊歎

知不足齋詩集卷六

九

仙霞巖嶺賡舊句冰銜依舊心渝不予已卯秋自翰林
樓意不勝莫謂仙霞嶺口占云千峯迎我碧峻增回首環
年復以侍講學士典試入闕此心依舊一條冰今二十
俯仰前後益增晚節之策矣傳家德薄書易盡報國
力小恩難酬得二句云有書尚作傳家種無父空餘
報國身注雅蟲魚欠識字偷倉雀鼠解愁調達天君自追
玉局養生我亦師子由貫珠但保一黍得如縷莫令千
絲繆亾羊詎辨書與博笑譽奚足生喜愛文章金石君
不朽寸田尺宅吾所求別腸雖暫尚車轉拱壁坐進誠
或優奇詞險語感深厚舟中百讀歌聲道寒光映驪三
十六和罷仰看龍尾稠此後大火將西流尾將中

閨媛姬傳設帳於梅花書院作此代東
十年前疊子瞻詩子與姬傳同辛亥生已丑冬君川東
彈指風輪隙景馳絳帳梅花疑市隱玉杯繁露肯園窺
飛霞應憶調張舊張開士少詹亦辛亥積雪難忘訪戴
時謂戴東原吉士二君皆與老我還非誰共證一帆船
水阻連漪

渡揚子江登金山

廿年前上浮玉尖庚辰凌空下瞰根不粘山腰殿閣疑
幻蜃但見天水磨晶匳曰歸風禱江陰口甲申江神憐
我啼由苦鯨吐鼉擲三百里夜半指點金焦膽我今乘

知不足齋詩集卷六

十

槎復逕此江山舊雨心所快清晨踰闌抵瓜步秋風初
爽颺半帘印須我友喜共舫挂席卽見青排籤中流掀
簾稍呼洵轉側帆脚迎飛廉儵瞬已繞伏牛麓老僧導
我登巖巖
聖神作迷照龍貝大書豐碣深磨鎌遂攀浮圖第七
級凌兢四面窺周檐焦山覆金辨顛趾海門浴日宜升
遶長山銀蒜接北固咫尺面勢窮毫纖頭陀洞前小坐
憩蓬開舵振憑窻簾中冷試酌第一水清涼習習解渴
炎每逢勝蹟暫畱眺左右屹石迴瀧漸長江天塹限南
北一葉歌棹何輕恬人生邂逅適如此乘流而逝坎則

淹東坡無田歸亦得祖生擊楫志豈厭登舟欵乃達京口一笑底用熊魚兼

揚州弔史閣部

梅花嶺葬公衣冠有祠歸當拜謁

金陵王氣三百終傾厦一木支史公倉皇擁立豈當壁公孫協謀亾社宮二姦比耦尚有臭四鎮跋扈難爲功獨揮血淚染疏草誰息燕舞春燈紅長淮不守失天險小東門外何從容前有文山後漳浦三光蕩摩氣貫虹師門含笑左御史黃之遙映藍青同招魂袍笏妥溫序梅花嶺月秋原風報書一篇義不朽

聖朝破格旌孤忠搜羅祕府闡幽晦汗青信史昭無窮

知不足齋詩集卷六

十一

家書遺像荷

題獎激揚萬古由

天衷嗟公一死重山斗浩歌長嘯江淮更

擬謝康樂富春渚用原韻

漸江湖盤紆觀山鬱城郭扁舟中浩淼層巒遠迴薄暫霽翠花晞潯雨珠霏錯申屠政清惠赤松闕洞壑開張得贖覽窈窕宛想幽託帆風惜超越梯雲愧蹇弱詎無尚子心未踐疏公諾石根負膚寸烟樹隱村落仁智從所觀默存在蠅蠅

桐廬道中

近山烟已開一峯獨出雲紅花崖根豔綠茸風度芬山脚尚東抱溯流遂西分鵝灣景漸幽漱石沙沄沄霏雨間鳴瀨洗心遺觀聞挖舟上清渚回首辭桐君

釣臺謁嚴先生祠

高磯俯三江迴峽鎖九曲先生考槃處古木森寒綠雲臥千象緯龍隱淨無欲沈冥似君平東京振國俗竭來遺祠下清曠恣眺矚西臺阜羽慟蘆茨元英刷苦節陵夷齊孤魂招均玉南巖面雙墳遙揖松蔭緝獲信各隨時知恥期遠辱再拜謝前賢斯義敢不昂

擬康樂七里瀨用原韻

知不足齋詩集卷六

十二

拏舟鷓鴣疊雙峽旋幽眺溯水憑積風亂淙避危峭飈雲無停炊輪景乍吐曜東西矗崇臺猿鶴助清嘯暫闕深密蹊兼得知仁妙竭來互順逆淹速生欣謂且息抱獲機愧彼直釣釣更上烏石灘一發滄浪調

貌頭潭木蛟歌

貌頭潭距龍游縣三十五里潭底有巨木二橫數十丈秋水澄霽首尾鱗爪宛若蛟龍亢旱禱雨輒應土人謂之木蛟

大末東北潭貌頭古樹鬱翠枝蟠樛傳聞其下有沈木雙蛟偃臥偃不游何年風雨拔巨物人工鬼斧豈其

蟄蛭蛻骨堅比石沙磨水盪精靈遁每當秋冬澄鑒底
下瞰鱗爪拏幽繆歲早禱祈致霖澤變化能作蒼黎床
我來水漲不爾覩驚忽送我風颺颺乘陵口可貫門海
邪許何用迴萬牛歸時莫厭然犀照但恐夜半移靈湫
觀河燈

雲陰解駁光吐蟾處暑纔過月十三龍游溪水淨如穀
停橈夜泊溪之南粵人磯鬼沸鐃鼓中流近遠鉤復鉤
臨河放燈照幽窟九淵暘暎交耽耽初看漁火星在罾
漸比海珠浮蚌貝聯鯨貫數百顆舍利影撒浮圖窠
青蓮花開無閒樂老驪摩頷驚睡酣牟尼變化眼無界

光明一片月印潭鄰船啁啾歌管發越吟楚調隨呢喃
羣雞忽唱失昏曉錯疑佳節當傳柑

江郎峯

我初過江郎雲霧歆飲捐天長歸來及冬霽三峯巉巖
見根柢我今別郎十六年郎應笑我華生顛玉池漱水
未解渴金丹鍊骨非眞堅羨郎兄弟早得道三茅拔宅
同不老右連五嶺開萼跼左酌三江瀉杯潦秋風喜放
三日晴嵐紅林翠生光品中郎躬躬左右讓東峯軒闥
宜伯兄薦蘿盤根施松柏旂檀墮枝香滿陌奇開偶合
嬰姪交泥丸流泉潤跟蹠翔鴻唳鶴誰能上蓮花削成

知足齋詩集卷六

三

飛仙掌人生伯仲如此難陟岡回首歌聲朗

蘇嶺

江郎石惟長山頭三峯了然過西則但見右面如赤壁耳

江郎一面赭蘇嶺萬竿青雲路初緣磴淙聲已建瓴山
僧請舊雨使者閱流星壁上吹壘句登臨記此經僧壁
君見庚寅奉使過此贈聯

黛嶺

峽口一艇西埂頭兩了仰古樟多蔽畝幽篁密攢仗兩
崖青盤螺懸瀑琤萬丈洞天漏倒景梯雲引孤上已疑
陰陽割穹碧切摩礪度嶺復開張泉樹宜膏壤其陽萬
屏遮似絕猿攀想豈知層霄外仙霞逼莽蒼

仙霞嶺

知足齋詩集卷六

古

凌晨發山館逶迤入嶺麓日及粲白丹蒼蔚交竹木壁
蝸延一線蟻磨旋干轆仰睇闕青蒼迴矚蕩心目山腰
得精廬呀喘息興僕再鼓升天險重關搃地軸唐巢力
攻桀宋浩事剽築七百六十磴上下捷梁鹿重來躡飛
霞一俯眾峯矗茶嶺接小竿突兀更騰伏澆澆下瀨水
閩浙雨不蓄西流達江西百里走瀧瀑地脈所屈蟠龍
蛇斷起陸曠途暫顧眺前行勢方族

大竿

大竿嶺名其實不殊川原甫夷曠再東九欽嶺攀

登二百級天半鬱以舒復上狹椽樂歷歷摩星榆巖壘
劃閩浙居保從無諸陰陽異涼燠懸派分注趨老僧渥
榮竟誰爲裝蛻軀俛首兀不化過客三歎吁苦提本非
樹何事標枯株蠡涌嶺頭泉逝者如斯夫

梨嶺

竿嶺萬竿竹未若梨嶺奇叢篁拔地底翠葆排天達蒼
蚪百千億飛舞鱗之而太古崑崙陰綠鳳蕃雄雌軒倫
久未截天籟鳴參差行者忘登頓夢上青宮嬉松杉蘊
千尺古桂花滿枝臨風一攀折載路香軒帷夷猶下碧
階絳繚珣珎珎我行亦已遠翹首龍莸移斐然與君子

智齋詩集卷六

圭

瞻望歌猗猗

將至浦城口占

輕輅小插桂婆娑一路香聞使者過幾襲黃蘗憐臭味
卅宵青眼費摩挲誰家夢筆才如綺有客臨淵鬢欲皤
爲語皇華山上月肯教清影負幽蘿

縣北有皇華山

西陽嶺

西陽最雄亘高出楓霞右直上八百級骨僂少豐肉嶺
泉苦寒冽竹木盡疎瘦其南驚斗落縹緲滑瓶鬢勢異
屈蚪蟠隘足虓虎守咄哉重關外復此天陰湊建溪激
于箭分脈疏吭脰土名曰栖皇灘與黯淡闕下嶺憩臨

江幽蘭馨三嗅大湖又鬼峩喟然歎修裘

塔嶺

石坡雞三號夙興乘曉月假寐籃輿中清夢自飛越霧
露霏我衣白雲近出沒晨曦升東峯塔嶺照突兀循崖
俯大溪灘聲盪石骨縈紆亦已高每喜憩清樾荷嶺陟
復降終朝勞勃窣山巔開稻畦引泉流汨汨即目感民
生勤哉事耕堡

營頭

營頭隸鳳寧置傳則建陽所司非所治送逆紛周章閩
驛盡設夫不比馬力強登頓易竭蹶叫嗽難調良此地

智齋詩集卷六

圭

實交錯挹左右或妨我昔司郵政咨度重改張利害百
則變因陋非治方竭來重感歎經野悔不詳

書所見

山碧千春色灘流萬古聲谷神原不死何處證無生

建陽館清曠亭

羣山眺東西濯錦梁南北憑軒古大潭美比鄒魯國客
館有曠軒交水臨清湜隔溪妙高峯靚面青男崩扁舟
互上下漁磯俯可即旣佳霞月宵亦奇空濛色我來適
坐肅徘徊待日昃秋風颯然至已覺消炎施良友對談
爰披豁共心臆舉案舊憶鴻

庚辰冬與吳室陳夫人同憩于此

聽雨前

記賦君家兄弟寅典試過客挽光陰俯仰成感憶不
見山半泉混混長不息

明太師楊文敏公墓歐寧縣豐樂鎮北

幸聞參雲四百年東楊墓碣尚巍然相才密勿歸清祕
館閣聲名重昔賢

自茶洋至清風嶺

岳溪何迢迢十里始上上旁睨萬丈灘吼及宵雨漲臨
峽深無梁一葉輕可榜白沙又翠棹肩輿隨覆仰振衣
清風嶺秋氣肅沆陽猶疑津底劒芒寒福高閣大哉五
嶺外闢此無盡藏誰燒古松根長鬣搖翠嶂灼灼紫微

知齋詩集卷六

七

花凌雲正開放何當御風行牽牛倘可傍

三岡嶺

有嶺上無梯高高盤白雲俯顧下愕哈仰接天氣氤三
岡迭起伏儵忽移涼蕪浴溪鑿山徑徑絕山亦分遂穿
山腹脊開道出巽軍行役豈辭瘁及此日水曠土名三
萬洋高下田畝慰我僕夫效視彼田閒耘民生各有
役不置庶在勤

紀所見日晡時與澄江坐對軒前雨忽至虹脚直
來則漸散仰視天東自北
遙南不知插入何方矣

八月五日欲西飛雨忽過天投蜺紛員五色透丹碧

自空下貫當庭磬龍身蜃氣近咫尺渴虹飲井驚鱗
樹烟窗影交疊射張弓欲把扶桑低無諸忽垂釣龍
延津復躍干將妻雲開帥閉見了了破髮一蹴蒼麟
凝眸彈指漸變化超跨天半揚旌翳瑣廳深閣詫我友
呼奴已隱凌雲梯萬人袖手仰望貳誰得覩面軒端倪
洗心指眼七千卷會有光怪來吹黎

九月十六日新舊諸生邀予會於鼇峯書院感賦

三十二韻

九山實隩區鼇峯舉其秀憶我庚辰來日月在龍蹏披
文簿書隙四鼓下譙漏豁眸剪繁燈幽芬得蘭臭遠惟

知齋詩集卷六

八

李常澤飲食尚閒豆五年進諸生根本相勸懋中間試
福州奇髦擢童幼爾來蔚成材磊落明光奏每當春明
新頗問風雨舊敢云視抗顏念此真意厚老我久荒蕪
經史疎句讀恭膺

使命榮作人歌薪樞重攀霞嶺楓又攬冶城柳居民識
使君所愧非郭寇瑛闌七千卷五夜靜校納所撥盡驪
胎豈免遺鳳鳴相逢雜悲愉執手同解后邀我講堂中
清池照碧岫不辭一樽酒心醉真飲耐廿年感存沒林
蔡草已宿謂林于宜編修樹
蔡連舟吉士廷舉新交與故知努力勉
將就此邦紹鄒魯豈獨誇組綬相期德日新莫思賈不

售我今如楓鐘曷以當撞扣嘉茲重殷勤爲爾聊宿留
昌時連彙拔大府勤拭揉師資有典型麗澤宜獎救百
行苟不嘗信順天所佑我行逐星槎去去不可又迴首
隔層雲望望溼襟袖不見延津光離合誰能究何用爲
贈處三言不遠復

謁考亭

夙興梁錦溪更出西門道滄洲望玲瓏相葉紅未掃西
南謁考亭瞻拜仰崇僚精舍緬竹林手植樹合抱四賢
儼配祀水日爭崎嶇後堂拜韋齋重樓挹鮮瀨玉枕負
奇峯翠屏面環島雙溪自西來曲注何浩浩大賢終焉

知齋詩集卷六

九

地名勝宜天造斯文在人心江嶺同不老觴生再入閩
景行愜幽討庶幾勉忠信可以羞蘋藻

得經兒北闕捷音

清湖好語尚徐徐衢郡題名信匪虛我愧無田貽式穀
汝堪怠學負賢書

國恩兄弟輕輅會

世澤兒孫厚積餘多少肩鋤仍望歲漫言容易不苗畲

呈顧河干先生

我年十五從師遊奇字疑義初討蒐倪黃易傳強涉獵
韓孟詩句爭唱酬布衣氈帽惡不恥夜雪僵立談魯鄒

歸鴻南望感客夢商聲苦調清猿愁臨岐拜別淚霑臆
如失喬木啼嚶啁微名早竊辱詞館六年契闊祥琴幽
王申計偕接杖屨梁園假館少沐休

詔遴羣才聚東闕雨立名姓欣傳籌拜

恩試尹潤畿輔經術吏治非鉅鉤黔南粵東愛樹在良
二千石咨刀牛抽身忽作歸臥計湖山勝絕吾菟裘離
師廿載矜未化講堂樞謁來今秋吟風弄月心欲醉河
汾弟子慙薛仇使旋道浙暫信宿那得早暮依庭樹白
駒易馳行難立輪轅豈免虛車羞願從先生更請益示
我歸處淙東流

知齋詩集卷六

辛

呈金少宗伯師

我初受公知弱齡十有七我今年幾艾公行開八秩俯
仰三十秋靈光正鬱律公昔射太甲摩空五雲裔寅清
贊邦禮縝密更玉栗授經本根地直諒正心筆翩然疏
傳歸晚節湖山逸錦堂秀眉齊數馬萬石謐冰鏡照大
邦藥籠慙芝朮今秋炙霽光德充氣頗實竭來再捫衣
曠暄戀冬日移情及屋烏離心逐傳驛憲乞遲桓榮耆
英有富弼明年祝

釐來九老待公一

餞同年張樊川大司成二首

黃花紅樹接江天送遠頻斟藥玉船宦久幾人歸晝鉤
交深何日聚星躔恆河不皺三千水樊川戊子生今年七十有三甚健
昕鼓曾搥二十年前後官司業司成最久官爲兒孫計田宅君家
辟穀有眞傳

老去詩篇律更工清詞綺語氣如虹長松霜後心知素
舊雨燈前頰映紅集擬樊川眞小杜圖成笠屐似尋翁
張多他年應訪山山路笑指蓮花拄杖同

五箴

珪奉

命內直得侍

知不足齋詩集卷六

王

殿下于上書房越今五年中間已亥仲夏奉

使典試閩中仲冬歸遑講席者半載耳

殿下天性醇粹好學時敏既熟於經傳爲詩文日進

而於大學理欲義利之分史策是非邪正之辨尤

三致意焉今年八月珪聞視學福建之

命感戀交集蓋將三載遠遑禁廷豈能恕乎

殿下寵以七言六章情文斐篤捧讀沾臆伏惟情固

無窮而理貴有益鹿鳴之詩曰人之好我示我周

行隰桑之詩曰心乎愛矣遐不謂矣然則言之切

於身心者亦珪之所以自效者也竊慕瞽史師工

之義作五箴一曰養心二曰敬身三曰勤業四曰
虛已五曰致誠以

獻敬荅

厚意焉

養心箴

心惟天宰虛則善受心以思官靈該萬有百體聽令隨
厥左右理之不存欲據而守憧憧往來物引知誘神之
弗瑩氣餒而糅離焚坎溢乖其儕耦動靜交養主一則
壽寸田可治培禾拔莠寡欲斯善存存无咎

敬身箴

知不足齋詩集卷六

王

身爲家本脩之則昌身以德潤敬之則強威儀抑抑非
衣之章視聽不忒非佩之璫無曰狎侮耳屬于牆無曰
宴安神瞰其旁與賢士親芝蘭襲芳爲善日益不扶而
長君子之身萬夫之望曷其弗敬而壽而康

勤業箴

民生在勤勤則不匱大業富有非勤曷萃彼農耨耨芸
疏種概一飽是謀亦孔之瘁耽耽廣廈或逸厥志不思
其艱而圖其易運甓有庸惜陰如駛無奮于暫而久則
劫紉熙之光日省月計誰曰道遠千里以至

虛已箴

禹惟不矜莫與爭能顏無伐善拳拳服膺一言之哲一藝之勝招搖自市中乾外朔河伯觀海望洋自懲上善若谷萬籟是磨鍊之揚之不過斗升土壤不讓爲岡爲陵聞過取善德以日增虛已求益錫我百朋

致誠箴

桴鼓有響方圓有影謂彼可欺我已自省植核于園汲泉于井無擬其萌而斷其縋口惠不實不如畫餅有美在中可以衣裝發言必信改過必猛如揭日月而無蔽屏一室樞機千里引領致曲能誠慎知于靜

九月二十五日宿德州與山東學使程澄江戶曹

知是齋詩集卷六

重

別

君方軒蓋臨湖水我獨輿轎向嶺楓半載論心陳義古五宵連榻拜

恩同姱修宵負三生石絲筆應千丈虹記取前期日觀興何常攜手看磨銅

泰山頂觀日出歌

二十九日至泰安登山宿東齋閣三十日雞鳴起明星高矣風甚不能上日觀乘肩輿至岱頂拜

玉皇殿風欲掣人道士引至東軒浴日養雲處適遮西風而面東日射海氣如環帶如抱虹五色其外青

黑者海山也近如蝸涎者汶水也稍遲乙地放紅霞日將出矣有金線如月初弦瞬目則已吐金鈎雪時如金卵俄而金毬混漾正圓視之有飄凌凹凸瑠璚狀再升則赤金鏡動瀉有黑影浮微合離是人目之眩耶抑所云日中烏耶再注之則晶熒射人不可正視矣蓋所傳雞鳴日出者惟夏夜雨後日出本早他時亦不能也此地尚俯視日觀峯微不如峯之東向空無一物耳然奇觀大畧亦得之矣睇視岱頂石幾十五六瓣圍以硃欄恐摩挲者之漬也

知是齋詩集卷六

重

去夏陟嶽齋靈宮夜半雷雨傾天聽平明下盤百悵悵不見海日瞰初紅今秋使閩復過此躋攀再上摩蒼穹黃昏排雲百不顧擁袂夜坐僵寒蟲時當秋杪月向晦天低星燦輝穿纓五更發萬龍吼出門魂蕩愁剛風齋誠直謁太清頂運轉左今天冥蒙西颺恰避東望豁俯臨日觀不可攀涎螭導汶細于髮圓嶸帶海長如弓際天青黑擬蓬島浮地黃紫噴蜃虹須臾明霞爛萬匹一線金纖抽絲縵雪如弦月目未瞋珊瑚鈎上懸玲瓏天鵬啄菰巨鵬卵羲和濯手何匆匆煩毳湧出正突兀八手把勢盪衝碣磴凹凸億貝聚閭浮壇面光圓融

解鏡珠旒青木末列錢壁吐黃金缸影飄黑子乍離合
躡鳥欲翥行復變俄然騰梭匹四射指眼已見升青空
蓮花頂髻更疑睇辨開十六根難窮無字藏劉辨石立
俗頂無字碑舊傳秦始皇物劉星唐宋嗟火攻後
顧炎武辨為漢武帝立石其下三尺為揭者冬月燭火蝕之
十四年磨崖碑其下三尺為揭者冬月燭火蝕之
補書其東宋大中祥符元年述功德銘為明人汪坦題
名及程壽書德星岩三
大字蓋其上遂不可讀

聖朝大書照雲日底事封禪誇升中茲游壯觀補前闕
自夫飛下馬首東

寄東辛麓廉使

三年契闊想披襟一紙緘封思不禁露冕西河真望歲

智齋詩集卷六

五

洗驄東國更為霖鍊金繞指含剛德照水摩尼證素心
五十韋編談豈易還憑遠使問而今辛麓達于易子與
之年皆艾矣故云

郊城贈王同年恆

我愧知非君古稀廿年握手欲沾衣故人白首真無恙

晚節黃花倍有菲莆海循聲棠蔭野玉堂清夢月盈扉

羣經紫婦長相對日送浮雲萬里飛去夏過郊問君有
不知而率對者行
至紅花埠訪之民壯李蘭乃喜君
無恙今與立齋同飯于十里舖館

白髭感次兒錫緯也今年七月望日卒年廿二

汝病吾鮮寐汝天吾鮮哭豈知領下髭白莖已五六有
嫠方婉婉有孤僅匊匊那無延陵悲葬汝金霞麓十年

養靈鉛志欲輕縈束哀樂入方寸何以抱吾蜀人生誰

不化妻子苦敦趣東門愧達觀西河戒賢躅尚生願詎

了居士果未熟形影逐浮查百年行亦速

過清江東玉亭制府

矣

生年十八受知于鄂陽相國
期我最厚登堂拜母七十三

卅載通門辱舊知直排東閣擬重窺作霖作礪作丹得

汝聽汝明汝翼為官政五旬開節府起居八座拜

國恩世績誰能紀願以蒼生繫職思

過嘉興舟里街訪馮孟亭同年畱飲即席兼柬陸

朗夫方伯盛鏡川秀才

智齋詩集卷六

五

經年又泛鴛鴦水此日重過煙雨樓去冬十月十六日
煙雨樓學野王傳世美孟亭長君應櫛官通參清名內
其弟集梧今秋舉于鄉

相佇嘉猷相逢一度一回老恰過三人三徑陶泥對孝

璋真玉潤深杯那得不綢繆

寄柬王偉人少宰

樽酒蘭言剪燭時清香不隔絳紗帷武功風雅官仍貴

沂國平生志自知漸水三懸冰鏡朗南宮再總玉衡司

相思若有凌霞便消息梅花寄一枝

蘇嶺疊前韻

翠髻長煙黑松欵插幃青石濡防潤砌珠細未淨銀

終宵聽雨

新恩暫聚星重來試嶺路桑下已三經

窯嶺疊前韻

餐風怯雲屯雲集軒仰元冥洩地房屏翳排天仗輿
輪度蘇嶺舊蹟覽方丈事來密嶺麓但見甌氣上山鬼
出陶篁盤渦澗鳴磳荆薪乍陽睽抗墜忽霄壤情哉空
願行佳勝成夢想誰滴青驪繫下視迷蒼蒼

仙霞嶺

曉霧濛濛隱翠霞飛淙滾滾落餘飴半穹釀雨三邦渥
一徑盤雲四壁遮回首凌兢楚地窟摩肩噫喝逼天門

知是齋詩集卷六

毛

壯哦空度仙關峻誰養靈鉛轉大車

楓嶺

大竿楓嶺一周連延袤嶽脊到極顛龍脊平分閩浙界
鳳梢低拂女牛躔化人泡影猶遺蛻老樹雲根不計年
慚愧靈山來舊雨高尋初地問因緣

梨嶺

梨嶺消雲萬个生天風吹雨夏淙琤好攜綠軸青藜杖
來聽龍吟鳳叫聲高擬蔚藍摩蕩蕩平臨滄海皺盈盈
鶯伊玉版參禪客飽臥昆臺最上成

漁梁謠

無衣無裳莫上漁梁二句漁梁一夜雨霏雪赤脛輿夫
皴欲裂越人漫誇冬不寒朔客始訝輕裘單薰籠垂腰
緞插肩石嶺滑澆行路難相逢但說冷得緊下梁沽酒
暫須忍

謁真西山先生祠堂

仰止西岩眺越岡樞衣再拜裊心香正宗文帙嚴荒
衍義經筵敬對揚眞偽何人淆黑白見聞有脈紹朱黃
梨關建水清于沐化雨千秋徧海疆

下嶺

知是齋詩集卷六

天

西陽與大湖北亘南逾陡嵯峨凌楓霞坎宮墮飛走大
溪經其東分隘不獨守名逃五嶺外實扼七閩口我行
積雨後注目滑跟肘神慙伯昏射道乏呂梁叟梯田疊
高下畦水長奔吼竭蹶良已勤所願在簞簞請爲勞者
歌羊牛保康阜

過荷嶺馬嵐早飯

冬陽輝輝荷嶺道紅葉滿山香不掃下嶺坡坳瞰大溪
拖舟上灘如上梯去船順流激于箭老板長招破洞漩
馬嵐小憩致亦佳檻前滴翠水滄涯今朝曠暄無不可
三杯軟飽腹易果却憶淋漓度嶺時溪山俯仰回春夢
入閩寄竹君五兄三十二韻